

Gveilinz Si Guh Hozdung Cunzdauq Lwnh Hag Gvancez Gij Cing-saenz Aen Hoih Haenh Minzczu Doxgiet Baenaj Daengx Guek

10 nyied 17 hauh, Gveilinz Si Vanhdenz Yauzczu Yangh guh hozdung angqhoh laebbaenz 40 hopbi. Ngoenzde Gveilinz Si aen donz lwnhgangj gij cingsaenz aen hoih haenh minzczu doxgiet baenaj daengx guek caemh youq gizde guh hozdung lwnhgangj ciengz daih'it.

Cai Yauz bouxcangzvej, fu gihcangj Gveilinz Si Siengsanh Gih-vej dwg bouxlwnhgangj hixdwg bouxdaibyauij cizdij guhyiengh minzczu doxgiet baenaj daengx guek, de

ndaej bae Baekging hai hoih, caemhcai guh bouxdaibyauij cizdij guhyiengh youq gwnz hoih gangjavah. De gangj le gij sinhdwz dijvei camgya aen hoih, lij geggangj gij gingniemh hong minzczu Siengsanh Gih. Banh Baujyiz dwg bouxlwnhgangj, bouxguhyiengh minzczu doxgiet baenaj daengx guek, vunzmbanj Lungzswng Gak Cuz Swciyen Mbanjdacai, de caemh faenyiengj gij dijvei camgya aen hoih, gaisau de dazyinx gak cuz ginzchung Mbanjdacai baujhoh nazmbaeklae,

hwngfat aenmbanj, dazyinx gyoengqvunz duetgungz baenzfouq. Gij goj neix gig gamjdoengh simvunz. Dai Veijbungz bouxdonzcangj daibyaujdonz, boux dangcuj suhgi, bouxcujyin Gveilinz Si Minzcunghvej lwnh le gij cingsaenz gangjavah youqgaenj Siz Ginbingz cungjsuhgi youq gwnz hoih haenh minzczu doxgiet baenaj daengx guek gangj haenx. Bak lai boux gak cuz ganbu ginzchung camgya le hozdung, cungj naeuz au hag ndei gij cingsaenz aen hoih, ciengj guh bouxguhyiengh.

Bineix 10 nyied daengz 12 nyied, aen donz lwnhgangj neix yaek laebdaeb bae daengz gak aen yanghcin lwnhgangj, gujli daihguya hag bouxak, daiqdoengh engq lai danhvei, engq lai vunz gaenxmaenx guh hong minzczu doxgiet baenaj, doxcaez hwnqguh aen gungdungzdij Cunghvaz Minzczu, henhoh aen daihbuenz ndei "Cunghvaz Minzczu ranz vunz ndeu", doidoengh hong minzczu doxgiet baenaj daengx si hwngfat youh ndei youh vaiq.

(daj Swcigih Minzcunghvej aeu)

Lozcwngz Guh Gaiq Daih'it Hozdung Lijyouz Vwnzva Baiqfug Sienhsoh

10 nyied 19 hauh, Hozciz Si Lozcwngz Mulauzczu Swciyen Gyauszan Yangh guh gaiq daih'it hozdung lijyouz vwnzva baiqfug sienhsoh, hungzyangz gij vwnzva maenhndei, caez laeb aen yangh huzndei. Youq ndaw hozdung, ngeihcib lai bouxguhyiengh baiqfug sienhsoh ndaej byaujcangh, gyoengqde youq gingqlaux gyaenzaen, gyaenz bang vunz, gyaenzgangj gingqnieb daengj fuengmienh guh ndaej ndei. Dangciengz lij cuengq gij sibinz saeh ndei gyoengqde, cienz gij rengzcingq baiqfug daudwz coh sienh, biujyienj vwnzyi cizmuz, hungzyangz gij vwnzva maenhndei, dazyinx gyoengqvunz caez hwnq aen yangh sienhndei, huzndei ndeu.

(韦如代 / Veiz Yuzdai)



▲Mehmwk diuq foux 《Mbanj Sienhsoh Gyaoundei》. Veiz Yuzdai ingj



▲Gyoengqvunz yawj canghmendenj guh denjsinh. Couh Hojvwz ingj

Yungzsuij: Seizcou Ndaem Raet, Caezcuk Loh Baenzfouq

10 nyied 17 hauh, Liujcouh Si Yungzsuij Myauzczu Swciyen Bwzyinz Yangh Mbanjbwzcaw, aen dieggiek ndaem raetmoengngaex nyaengqdikdik, dangdieg Myauzczu ginzchung dwk cong, daeh, baij faexmbaenq ndaem raet daengj. Aen dieggiek neix miz haj fanh lai aen faexmbaenq

ndaem raet, gujsuenq canjciz mauhgvaq ngeihcib seiq fanh maenz ngaenz, canjbinij gai bae ndaw gih rog gih, mizyauq daiqdoengh cunh cizdij ginghcei hwngfat, bang vunzmbanj youq bakdou ranz couhnieb demsou.

(兰堃 / Lanz Gunh)

Mungzsanh Yen Bouxcoz Gyanghaemh Bae Hag Dinfwngz Coi Couhnieb

10 nyied 15 hauh, youq Vuzcouh Si Mungzsanh Yen Denswj Sanghvu Canjyeyenz Senhvaz Dinfwngz Yoz-yau, canghmendenj cingqcaih cijdauj gyoengq yozyenz hag guh denjsinh. Baez sonlien guh denjsinh neix miz seiqcib lai vunz camgya, cujyau dwg gij vunz saetnieb ndaw yienh rog yienh, bouxguh hong lajmbanj senj daeuj couhnieb, bouxduetgungz caeuq gij

lwgnyez ranz duetgungz daengj. Yienh de au yozyau gyanghaemh bouxcoz bae guh sonlien, demgiengz gij dinfwngz gyoengqde, demgya couhnieb gihvei. Bineix Mungzsanh Yen gaenq banh gvaq cibngeih geiz ban sonlien dinfwngz, gungganq le roek bak lai vunz, coenghrenez gwnzbiengz ginghcei hwngfat.

(周火文 / Couh Hojvwz)



▲Dangdieg ginzchung daeh faexmbaenq ndaem raet roengz ci. Lanz Gunh ingj